

# MEMORANDUM O RAZUMIJEVANJU

IZMEĐU

OPĆINE CAZIN

I

VLADE UNSKO-SANSKOG KANTONA

I

JU OSNOVNA ŠKOLA "CAZIN I" CAZIN

O

IMPLEMENTACIJI PROJEKTA

**"IZGRADNJA NOVOG OBJEKTA OSNOVNE ŠKOLE "CAZIN I" U CAZINU"**

Ovaj Memorandum je sklopljen između Općine Cazin, u daljem tekstu «Općina», Vlade Unsko-sanskog kantona, u daljem tekstu „Vlada“ i JU Osnovna škola „Cazin I“, u daljem tekstu „Škola“.

Općina, Vlada i Škola su se dogovorili da zajedno implementiraju projekat „Izgradnja novog objekta osnovne škole „Cazin I“ u Cazinu“, svako u okviru svojih nadležnosti, u cilju što bržeg stvaranja uslova za kvalitetno odvijanje nastave za učenike i uposlenike Škole.

Imajući u vidu spremnost Općine i Vlade da finansiraju i pomognu izgradnju novog objekta osnovne škole „Cazin I“ u Cazinu strane su se saglasile o sljedećem:

## Član 1.

Općina i Vlada se obavezuju da će finansirati izgradnju novog objekta Osnovne škole „Cazin I“ u Cazinu u sljedećim iznosima:

Općina – 400.000,00 KM (četiristotinehiljada KM)

Vlada – 1.800.000,00 KM (jedanmiliosamstotinahiljada KM),

a koja sredstva će se predvidjeti u budžetima Općine i Unsko-sanskog kantona za 2017. godinu.

## Član 2.

Općina bez naknade ustupa zemljište u svom vlasništvu, označeno kao k.č. broj: 1658/1 i 1660/3, k.o. Cazin Grad (novi premjer), što po starom katastarskom operatu predstavlja k.č. broj: 549/4 i 554/2, k.o. Cazin, u površini od 8931 m<sup>2</sup>, potrebno za izgradnju objekta osnovne škole „Cazin I“, koje je procijenjene tržišne vrijednosti od 1.786.200,00 KM (jedanmiliosedamstotinaosamdesetšesthiljadadvijestotine KM).

Vlada i Škola se obavezuju da neće mijenjati namjenu novog objekta, bez saglasnosti Općinskog vijeća Općine Cazin.

### **Član 3.**

Vlada i Škola se obavezuju da će posebnu pažnju obratiti na sigurnost učenika i zaposlenika Škole za vrijeme trajanja izgradnje novog objekta osnovne škole, odnosno poduzeti sve radnje iz svojih nadležnosti da spriječe bilo kakav rizik izazvan gradnjom.

### **Član 4.**

Škola će imenovati Komisiju za javne nabavke čiji će jedan član biti ispred Općine Cazin, a koja će izvršiti odabir izvođača radova i nadzornog organa prema Zakonu o javnim nabavkama BiH.

### **Član 5.**

Ugovor o izvođenju radova sa izabranim ponuđačem će zaključiti Škola, a supotpisnici ugovora će biti Vlada za iznos 1.800.000,00 KM i Općina za iznos 400.000,00 KM.

### **Član 6.**

Općina i Vlada se obavezuju da će svoje finansijsko učešće iz člana 1. ovog Memoranduma realizirati na zahtjev Škole, te izvršiti prijenos sredstava na račun izvođača radova, koji bude odabran u skladu sa Zakonom o javnim nabavkama BiH, a po dostavljenim ovjerenim privremenim ili okončanom situacijom.

### **Član 6.**

Ovaj Memorandum će stupiti na snagu nakon što bude potpisan od svih Strana u Sporazumu i ostaće na snazi dok ne budu ispunjene sve obaveze koje proizilaze iz njega.

Memorandum je sastavljen u tri primjerka i Svaki potpisnik Sporazuma zadržava po jedan originalni primjerak.

| Potpisano u Czinu dana \_\_\_\_\_ 2016. godine.

Za Vladu USK,  
Premijer

Za Općinu Cazin,  
Općinski Načelnik

Za JU OŠ „Cazin I“  
Direktor

\_\_\_\_\_  
dr. Husein Rošić

\_\_\_\_\_  
Mr. Nermin Ogršević

\_\_\_\_\_  
Zlatko Sabljaković